

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva finansija, Vlada Zeničko-dobojskog kantona, na 90. sjednici, održanoj 22.11.2012. godine, d o n o s i

## ZAKLJUČAK

### I.

Prihvata se Inicijativa Općinskog pravobranilaštva Kakanj za donošenje Zakona o izmjeni i dopuni Zakona o porezu na promet nekretnina, uz određene nomotehničke korekcije, u skladu sa Mišljenjem Ministarstva finansija Zeničko-dobojskog kantona, broj: 07/02-02-22877-2/12 od 16.11.2012. godine.

### II.

Inicijativa iz tačke I. ovog Zaključka, uz Mišljenje Ministarstva finansija Zeničko-dobojskog kantona, upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_/12.  
Datum, 22.11.2012. godine  
Z e n i c a

**PREMIJER**

*mr.sci.Fikret Plevljak dipl.ing.*

DOSTAVLJENO:

1x Ministarstvo finansija,  
1x Stručna služba Skupštine,  
1x Općinsko pravobranilaštvo Kakanj, Zgoščanska S-1., 72 240 Kakanj  
(putem ministarstva),  
1x a/a.



Broj: 07/02-02-22877-2/12  
Zenica, 16.11.2012. godine

## **STRUČNA SLUŽBA VLADE**

U skladu sa Vašim aktom, broj: 02-1-02-22877-2/12 od 30.10.2012. godine, a vezano za Inicijativu Općinskog pravobranilaštva Kakanj za donošenje Zakona o izmjeni i dopuni Zakona o porezu na promet nekretnina, dostavljamo Vam slijedeće

### **Mišljenje**

Općinsko pravobranilaštvo Kakanj je podnijelo Inicijativu za donošenje Zakona o izmjeni i dopuni Zakona o porezu na promet nekretnina, na način da se u članu 6. stav 1. Zakona o porezu na promet nekretnina („Službene novine Zeničko-dobojskog kantona“, broj: 6/09), iza tačke a) doda nova tačka b), koja bi glasila, da se da se porez na promet nekretnina ne plaća: „na promet nekretnina između općine i drugih lica ukoliko je obveznik poreza na promet nekretnina općina na čijem je području ta nekretnina nalazi“.

Kad je u pitanju nomotehnički aspekt navedene izmjene i prijedlog Općinskog pravobranilaštva Kakanj da se u članu 6. stav 1. Zakona, navedena tačka doda kao nova tačka b) iza postojeće tačke a), te da ostale „tačke mijenjaju svoj redosljed“, Ministarstvo finansija je mišljenja da je nomotehnički bolje rješenje da se navedena izmjena kao tačka n) doda iza postojeće tačke m), tako da ostale tačke ne moraju da mjenjaju svoj redosljed.

Ovo predlažemo iz razloga što bi dodavanje navedene izmjene kao tačke b), uz dodavanje odredbe da „ostale tačke mijenjaju svoj redosljed“, otežalo praktičnu primjenu Zakona i moglo bi dovesti do zabune u pozivanju na pojedine tačke Zakona, a posebno ako se ima u vidu da su ovo prve izmjene navedenog Zakona i da ne bi bilo ekonomično i racionalno pristupiti izradi prečišćenog teksta Zakona, samo zbog jedne njegove izmjene i dopune.

Općinsko pravobranilaštvo Kakanj je dalo inicijativu i da se u članu 36., iza stava 1. doda stav 2. koji bi glasio:

„U postupcima pokrenutim kod nadležnog organa poreske uprave prije stupanja na snagu ovog zakona obustavlja se prinudna naplata i naplata obračunatog, a ne uplaćenog poreza na promet nekretnina općini, kao poreskom obvezniku, na čijoj se teritoriji nekretnina nalazi.“

S obzirom da se navedena izmjena i dopuna Zakona tiče i ostalih općina sa područja Kantona i poreske uprave, a da se u Inicijativi predlaže da Zakon ide na usvajanje po skraćenom postupku (bez javne rasprave), Ministarstvo finansija je navedenu Inicijativu prosljedilo i ostalim općinama, kao i Kantonalnom poreznom uredu Zenica, radi pribavljanja njihovog stava po navedenom pitanju.

Ministarstvo finansija će sa pristiglim stavovima općina i poreske uprave, upoznati Vladu Kantona, prije izjašnjenja Skupštine Kantona po navedenoj Inicijativi.

Kako je u skladu sa članom 5. navedenog Zakona, porez na promet nekretnina “prihod budžeta općine na čijem području je ostvaren”, Ministarstvo finansija nema suštinskih primjedbi iz svoje nadležnosti na navedenu izmjenu i dopunu Zakona i mišljenja je da se uz određene nomotehničke korekcije, vezane za gore navedenu izmjenu, iste mogu prihvatiti, te stim u vezi predlaže Vladi Kantona da donese zaključak o prihvatanju navedene Inicijative.

**Dostavljeno:**

1x naslov

1x a/a

**MINISTAR**

*mr. sci. Mirsad Isaković*



Bosna i Hercegovina, Zenica, Kučukovići br. 2  
Tel. 032/246-347; Fax: 244-784; E-mail: min\_fin@bih.net.ba